


Podrška Švicarske u ublažavanju posljedica COVID-19 u Bosni i Hercegovini

12. januar 2021.



Schweizerische Eidgenossenschaft
Confédération suisse
Confederazione Svizzera
Confederaziun svizra



Ciljna grupa:

Cjelokupno stanovništvo, a posebno osobe slabijeg imovinskog stanja i druge ranjive kategorije stanovništva.

Učešće Švicarske

Organizacija	Iznos u CHF	Iznos u BAM
Dansko vijeće za izbjeglice	1.495.500	2.715.070
CARITAS	339.000	614.910
UNDP	195.000	360.000
Asocijacija XY	60.000	110.000
Catholic Relief Services	31.800	59.000
Oružane snage BiH	27420	49500
Vive Žene	22.100	40.000
Udruženje Budućnost	15'670	28'500
Centar ženskih pravara	10.000	18.000
Udruženje Novi Put	14'380	26,080
ZZJZ FBiH	8.100	15.000
Udruženje Bolja budućnost	8.100	15.000
Zemlja djece u BiH	8.100	15.000
BHAAAS	4.350	7.900
Ukupno	2.239.520	4.073.960

Pandemija COVID-19 zahvatila je Bosnu i Hercegovinu (BiH) 5. marta 2020. godine, kada je potvrđen prvi slučaj zaraze u Banjoj Luci. COVID-19 ne predstavlja samo zdravstvenu već i socijalnu i ekonomsku krizu, kojom su najteže pogođene ranjive kategorije stanovništva (manjine, migranti, starije osobe i djeca). Konačne posljedice će umnogome ovisiti o dužini trajanja krize i poduzetim mjerama.

Dnevni izvještaj o epidemiološkoj situaciji u Bosni i Hercegovini dostupan je na www.mcp.gov.ba

Odgovor Švicarske

S obzirom na činjenicu da smo proteklih 20 godina bili angažirani u sektoru zdravstva, Ambasada Švicarske je bez odlaganja pružila još snažniju podršku svojim dugogodišnjim parterima, prije svega organizacijama koje direktno rade sa zdravstvenim ustanovama i zdravstvenim radnicima. U skladu s novonastalim okolnostima uspostavljeni su planovi za krizne situacije u okviru postojećih projekata u oblasti ekonomije i zapošljavanja te lokalne uprave. Po potrebi vršit će se usklađivanje intervencija. Kroz svoje kontinuirano partnerstvo s Danskim vijećem za izbjeglice, kao i posredstvom Caritas Švicarska, Švicarska će nastaviti poduzimati aktivnosti usmjerene na rješavanje specifičnih potreba migranata, uključujući i one vezane za COVID-19.

Odgovor na potrebe lokalnih vlasti

Na zahtjev nadležnih zdravstvenih institucija, Ambasada Švicarske (putem UNDP-a) financirala je hitnu nabavku respiratora, dijagnostičkih testova na COVID-19 i zaštitne opreme za bolnice u cijeloj zemlji. Zavod za javno zdravstvo FBiH opremljen je telekonferencijskom infrastrukturom čime je unaprijeđena komunikacija s kantonalnim zdravstvenim zavodima i ministarstvima. Pored toga, izvršena je nabavka zaštitne opreme i sredstava za Oružane snage BiH radi provođenja misije „Podrška civilnom stanovništvu u BiH“.

Odgovor na potrebe građana

- Švicarska je finansijski podržala Caritas Švicarska, Udruženje žena Romkinja „Bolja budućnost“ i Udruženje „Zemlja djece u BiH“ kako bi se osigurale osnovne životne namirnice za osobe slabijeg imovinskog stanja i druge ugrožene kategorije stanovništva (ovom aktivnošću obuhvaćeno je 2.300 domaćinstava ili oko 7.400 pojedinaca).
- Stavljena su dodatna sredstva na raspolaganje Projektu mentalnog zdravlja (koji provodi Udruženje XY) za online psihološku podršku pacijentima s mentalnim poteškoćama, kao i za kupovinu osnovne zaštitne opreme za medicinsko osoblje. U okviru projekta Jačanje sestrinstva, 278 medicinskih sestara u 16 općina opremljeno je zaštitnim opremom uz sudjelovanje u online obuci na temu COVID-19.

- 200 domaćinstava u Kotor Varoši, Maglaju, Jablanici i na Palama putem Catholic Relief Services dobilo je sadni materijal, organsko đubrivo, sredstva za zaštitu bilja i savjetovanje, s ciljem podmirjenja osnovnih potreba za hranom.
- U oblasti pružanja podrške žrtvama rodno zasnovanog nasilja finansijski su podržana udruženja „Vive Žene“, „Centar ženskih prava“, „Novi Put“ i „Budućnost“.
- Finansijski je podržana Bosanskohercegovačko - američka akademija umjetnosti i nauka (BHAAAS) za aktivnosti usmjerene na suzbijanje dezinformacija o COVID-19.

Odgovor na potrebe ekonomije

Švicarski projektni partneri u sklopu svojih tekućih projekata razrađuju interventne mjere usmjerene na oporavak ekonomije nakon pandemije. Prioriteti uključuju sljedeće: očuvanje radnih mjesta, podmirenje osnovnih životnih potreba i pronalazak novih ekonomskih prilika.

Švicarska je do sada za urgentne potrebe uzrokovane COVID-19 u BiH stavila na raspolaganje više od 2,2 miliona CHF tj. više od četiri miliona BAM.

Za detaljnije informacije obratiti se:

Ambasada Švicarske u Bosni i Hercegovini

Tel. +387 33 275 850

sarajevo@eda.admin.ch